

Útgefandi

Læknafélag Íslands
Læknafélag Reykjavíkur

Ritstjórn

Engilbert Sigurðsson,
ritstjóri og ábyrgðarmaður
Gerður Gröndal
Hannes Hrafnkelsson
Magnús Gottfreðsson
Sigurbergur Kárason
Tómas Guðbjartsson
Pórdís Jóna Hrafnkelsdóttir

Tölfræðilegur ráðgjafi

Thor Aspelund

Ritstjórnarfulltrúi

Védis Skarphéðinsdóttir
vedis@lis.is

Blaðamaður og ljósmyndari

Hávar Sigurjónsson

Auglýsingastjóri og ritari

Sigdís Þóra Sigþórsdóttir
sigdis@lis.is

Umbrót

Sævar Guðbjörnsson
saevar@lis.is

Upplag

1800

Prentun, bókband

og pökkun

Prenttækni ehf.
Vesturvör 11
200 Kópavogi

Áskrift

12.900,- m. vsk.
Lausasala
1290,- m. vsk.

© Læknablaðið

Læknablaðið áskilur sér rétt til að birta og geyma efni blaðsins á rafrænu formi, svo sem á netinu. Blað þetta má eigi afrita með neinum hætti, hvorki að hluta né í heild, án leyfis.

Fræðigreinar Læknablaðsins eru skráðar (höfundar, greinarheiti og útdrættir) í eftirtalda gagnagrunna: Medline (National Library of Medicine), Science Citation Index (SciSearch), Journal Citation Reports/Science Edition, Scopus og Hirsiluna, gagnagrunn Landspítala.

The scientific contents of the Icelandic Medical Journal are indexed and abstracted in Medline (National Library of Medicine), Science Citation Index (SciSearch), Journal Citation Reports/Science Edition and Scopus.

ISSN: 0023-7213



Ný stjórn Læknafélags Íslands

Á myndinni eru frá vinstri: heimilislæknarnir Magdalena Ásgeirsdóttir, Þórarinn Ingólfsson og Jóhanna Ósk Jensdóttir, Agnar H. Andr-
ésson almennur læknir, Arna Guðmundsdóttir lyflæknir, Hjalti Már Þórisson röntgenlæknir og Þorbjörn Jónsson ónæmislæknir.
Hér vantar varaformanninn Orra Þór Ormarsson barnalækni og gjaldkerann Björn Gunnarsson svæfingalækni. Mynd Sigdis.

Á aðalfundi í september urðu breytingar á stjórn Læknafélags Íslands einsog lög gera ráð fyrir.

Samkvæmt lögum eru í stjórn 9 manns: formaður, varaformaður, gjaldkeri, ritari og 5 meðstjórnendur, og einn þeirra er skipaður af Félagi almennra lækna. Formaður, ritari, varaformaður og gjaldkeri eru kosnir til tveggja ára í senn. Annað árið skal kjósa formann og gjaldkera og var það síðast gert 2015 þegar Þorbjörn Jónsson var endurkjörinn formaður og Björn Gunnarsson, sem verið hafði meðstjórnandi í stjórninni var kjörinn gjaldkeri. Hitt árið skal kjósa ritara og varaformann og var það gert á aðalfundinum núna. Orra Þór Ormarsson var endurkjörinn varaformaður og Magdalena Ásgeirsdóttir endurkjörin ritari. Fjórir meðstjórnendur eru kosnir til eins árs í senn.

Í stjórn LÍ starfsárið 2016-2017 eru Þorbjörn Jónsson formaður, Orra Þór Ormarsson varaformaður, Björn Gunnarsson gjaldkeri, Magdalena Ásgeirsdóttir ritari og meðstjórnendurnir Arna Guðmundsdóttir, Hjalti Már Þórisson, Jóhanna Ósk Jensdóttir og Þórarinn Ingólfsson. Af hálfu Félags almennra lækna situr Agnar H. Andr-
ésson í stjórn LÍ. Ný í stjórn þetta starfsár eru því Agnar, Hjalti Már og Jóhanna Ósk.

Á aðalfundinum voru samþykktar breytingar á lögum LÍ sem fela í sér að framvegis verður stjórn LÍ kosin af öllum félagsmönnum í rafrænni kosningu eins og fram kemur í pistli formanns aftar í blaðinu. Á fundinum var jafnframt samþykkt að hækka árgjald félagsins frá og með næstu áramótum, og verður það 110.000 kr.

LISTAMAÐUR MÁNAÐARINS

Anna Júlía Friðbjörnsdóttir (f. 1973) er listamaðurinn að baki forsiðumyndinni sem sýnir að þessu sinni forsiðu annars tímarits, *National Geographic*.

Eins og sjá má er ekki um upprunalega blaðið að ræða, heldur grafík-eftirmynd sem unnin er með einum lit á gifsplötu. Nýverið var Anna Júlía með einkasýningu í Harbinger galleríi á Freyjugötu sem bar heitið 1:1. Þar voru nokkur ólík verk til sýnis í heildstæðri innsetningu en uppistaðan var verkaröð 7 gifsafsteypa með svokallaðri *intaglio* ættingu: **Áfangastaðir í purpuralit** (2016). Hvert verk er í raunstærð dæmigerðrar tímaritaútgáfu. Heildarmynd sýningarinnar var leynt og ljóst tilvísun í yfirstandandi hörmungar sem spretta af flóttu fólks undan stríðsátökum yfir Miðjarðarhaf. Valdar forsiðumyndir af ferðamannastöðum við Miðjarðarhaf, hótélhandklæði á stöpli, vídeóverk af hvítum fjörusandi og uppstilling með kuðungum eru í hrópandi mótsögn við stöðugar fréttir af neyð fólks sem hættir lífi sínu til að ná þessum sömu ströndum. Mótsögnin er ítrekuð með hinum sérstaka purpuralit sem minnir á storknað blóð. Á sýningunni mátti sjá kuðunga af *Muricidae*-ætt sem finnast við strendur Miðjarðarhafs.



Peir eru skrautlegir og fjölbreyttir að lit og byggingu. Sæsnigill þessi nýttist í fornöld til þess að framleiða hinn einstaka purpuralit, en heimildir eru um notkun hans frá 16. öld f. Kr. Lítið magn fékkst með mikilli fyrirhöfn og því varð liturinn eftirsóttur og táknmynd auðs og valds. Titill sýningar Önnu Júlíu, 1:1, vísar til samnings sem Evrópusambandið setti fram sem viðbragðs-
áætlun við straumi flóttamanna. Þar er mælst til þess að senda fólk sem kemur með ólöglegum hætti inn í Evrópu til baka en taka þess í stað einstaklinga úr flóttamannabúðum; einn þaðan á móti hverjum sem sendur er heim. Hugmyndin, sem mjög hefur verið gagnrýnd, er að sporna gegn sjóflutningum glæpamanna sem nýta sér eynd flóttafólksins og hvetja til þess að

það fari í gegnum búðirnar. Sýning Önnu Júlíu dregur á látlausan hátt fram forréttindastöðu okkar Vesturlandabúa gagnvart hinu hjálparlausa og alsnauda fólki sem flýr stríð í heimalandi sínu.

Markús Þór Andr-
ésson